

KOMMENTAAR (vervolg)

Die bydrae van ander beleggings tot wesensverdienste het met R43 miljoen tot R12 miljoen (2009: R31 miljoen verlies) verbeter. Daar moet op gelet word dat 'n wesensverlies ten bedrae van R38 miljoen vir Xicom by die resultate van die vergelykende tydperk ingesluit was. Hierdie belegging is in Maart 2010 verkoop. Business Partners se bydrae tot wesensverdienste het R8 miljoen bedra (2009: R7 miljoen).

Laer rentekoerse asook laer gemiddelde kontantsaldo's het veroorsaak dat die bydrae deur die sentrale tesourie-afdeling tot R29 miljoen (2009: R34 miljoen) afgeneem het. Die toename in ander netto korporatiewe koste tot R50 miljoen (2009: R22 miljoen) is hoofsaaklik die gevolg van die insluiting van VenFin se korporatiewe koste vir die eerste keer gedurende die tydperk onder oorsig, sowel as sekere nie-herhalende items in die vergelykende tydperk.

Verdienste

Totale verdienste het met 105.4% tot R2 405 miljoen (2009: R1 171 miljoen) toegeneem, hoofsaaklik as gevolg van die verdienstegroei van die onderliggende beleggings, sowel as die kapitaalsurplusse gerealiseer met die verkoop van Nampak en die ontbondeling van die belegging in Trans Hex ten bedrae van R22 miljoen en R52 miljoen onderskeidelik.

5. INTRINSIEKE WAARDE

Remgro se intrinsieke waarde per aandeel het met 3.5% vanaf R121.64 op 31 Maart 2010 tot R125.95 op 30 September 2010 toegeneem. Verwys na Bylaag B vir volle besonderhede.

6. BELEGGINGSAKTIWITEITE

Die belangrikste beleggingsaktiwiteite gedurende die tydperk onder oorsig soos volg:

Nampak Beperk (Nampak)

Gedurende Augustus 2010 het Remgro sy 13.3%-belang in Nampak deur middel van 'n versnelde boekbouding vir 'n totale bedrag van R1 358.9 miljoen (of R17.40 per aandeel) verkoop. Gedurende die tydperk onder oorsig is die resultate van Nampak vir die vier maande tot 31 Julie 2010 geëkwieter en sy bydrae tot Remgro se wesensverdienste het R33 miljoen (2009: R13 miljoen) bedra.

Trans Hex Groep Beperk (Trans Hex)

Op 18 Augustus 2010 het Remgro se aandeelhouers die ontbondeling van die belegging in Trans Hex goedgekeur en op 13 September 2010 het elke Remgro-aandeelhouer 5.85 Trans Hex-aandele vir elke 100 Remgro-aandele gehou, ontvang. Aangesien die belegging in Trans Hex gedurende die vorige finansiële jaar as 'n belegging "gehou vir verkoop" herklassifiseer is, is geen inkomste van Trans Hex gedurende die tydperk onder oorsig verantwoord nie (2009: R3 miljoen).

Medi-Clinic Korporasie Beperk (Medi-Clinic)

Gedurende Augustus 2010 is 'n verdere R591.9 miljoen in Medi-Clinic belê ingevolge 'n regte-aanbod waardeur Medi-Clinic-aandeelhouers vir 'n addisionele 10 Medi-Clinic-aandele kon inskryf vir elke 100 aandele gehou, teen 'n prys van R23.00 per aandeel. Op 30 September 2010 was Remgro se belang in Medi-Clinic 45.4% (31 Maart 2010: 45.7%).

Business Partners Beperk (Business Partners)

Gedurende die tydperk onder oorsig het Remgro 'n verdere 14 369 742 Business Partners-aandele vir 'n totale bedrag van R79.2 miljoen verkry. Remgro se belang in Business Partners, op 'n ten volle verwaterde grondslag, het tot 28.8% toegeneem (31 Maart 2010: 20.8%).

Kagiso Trust Investments (Edms) Beperk (KTI) en die Kagiso Infrastructure Empowerment Fund (KIEF)

Gedurende die 2007 finansiële jaar het Remgro ooreenkomste met KTI en KIEF aangegaan ingevolge waarvan Remgro homself verbind het om R350 miljoen in KIEF te belê. Die fonds het 'n teikengrootheid van R650 miljoen en beoog om in infrastruktuurprojekte, insluitende paaie, lughawens, kragstasies, telekommunikasie-installasies, spoorwegnetwerke, hawens en water- en sosiale infrastruktuur te belê. Gedurende die tydperk onder oorsig het Remgro 'n verdere R101.1 miljoen in KIEF belê. Teen 30 September 2010 het Remgro R195.3 miljoen van die R350 miljoen belê.

Dark Fibre Africa (Edms) Beperk (Dark Fibre)

In die verlede het Remgro slegs 'n indirekte belang van 31.3% in Dark Fibre gehad deur sy belange in die CIV groep van maatskappye. Gedurende Mei 2010 is R9.7 miljoen direk in Dark Fibre belê in ruil vir 'n 0.7%-ekwiteitsbelang in dié maatskappy. Hierdie belegging het Remgro se belang in Dark Fibre effektief tot 32.0% verhoog. Terselfdertyd het Remgro ingestem om 'n leningsfasiliteit ten bedrae van R85.0 miljoen aan Dark Fibre te verskaf. Die termyn van die fasiliteit is tien jaar en die volle bedrag is reeds aan Dark Fibre geleen.

Capevin Holdings Beperk (Capevin Holdings)

Gedurende die tydperk onder oorsig het Remgro 'n verdere 9 708 294 Capevin Holdings-aandele vir 'n totale bedrag van R33.1 miljoen verkry. Hierdie aankope het Remgro se indirekte belang in Distell tot 33.4% verhoog (31 Maart 2010: 33.3%).

Ander kleiner beleggings wat gedurende die tydperk onder oorsig gemaak is in PGSI Beperk, Fundamo (Edms) Beperk, Premier Team Holdings Limited, One Digital Media (Edms) Beperk en Milestone China Funds, het R53.9 miljoen bedra.

Gebeure na 30 September 2010:

FirstRand Beperk (FirstRand) en RMB Holdings Beperk (RMBH)

Op 12 November 2010 is aangekondig dat daar aan al die opskortende voorwaardes van die voorgestelde samesmelting van Metropolitan Holdings Beperk en Momentum Groep Beperk, sowel as die daaropvolgende ontbondeling deur FirstRand van sy totale aandeelhouding in die nuwe saamgesmelte entiteit (MMI Holdings Beperk) aan sy gewone aandeelhouers, voldoen is.

RMBH het ook aangekondig dat hy 'n aantal herstruktureringstappe ondersoek ten einde sy beleggingsportefeulje te hergroepeer en om aandeelhouerswaarde te verhoog. Hierdie stappe sluit in die moontlike skeiding van RMBH se versekerings- en bankbelange wat tot die afsonderlike notering van dié belange kan lei. Verdere aankondigings met betrekking tot bogenoemde sal deur RMBH gemaak word sodra meer inligting beskikbaar is.

Dark Fibre – Verdere ekwiteitsbelegging van R44.4 miljoen wat Remgro se belang verhoog na 34.5%.

KTI en KIEF – Verdere bedrag van R30.0 miljoen belê. Die bedrag reeds belê bedra nou R225.3 miljoen van die R350 miljoen waartoe verbind is.

7. TESOURIE-AANDELE

Op 31 Maart 2010 is 3 424 044 Remgro gewone aandele (0.7%) as tesourie-aandele deur 'n volfiliaalmaatskappy van Remgro gehou. Soos voorheen gerapporteer is hierdie aandele aangekoop ten einde die nuwe aandelegroei-skema, wat na die ontbondeling van die belegging in BAT gedurende November 2008 geïmplementeer is, te verskans.

Gedurende die tydperk onder oorsig is geen Remgro gewone aandele aangekoop nie, tenwyl 87 150 Remgro gewone aandele aangewend is ten einde Remgro se verpligting teenoor skema deelnemers, wie aandelegroei-regte wat aan hulle toegeken is uitgeoefen het, te vereffen.

Op 30 September 2010 is 3 336 894 Remgro gewone aandele (0.7%) as tesourie-aandele gehou.

VERKLARING VAN KONTANTDIVIDEND

Verklaring van Dividend Nr. 21

Hiermee word kennis gegee dat 'n tussendividend van 101 sent (2009: 84 sent) per aandeel verklaar is ten opsigte van beide die gewone aandele van een sent elk en die ongenoteerde B-gewone aandele van tien sent elk, vir die halfjaar wat op 30 September 2010 geëindig het.

Belangrike datums:

Laaste dag van verhandeling ten einde vir die tussendividend te kwalifiseer	Vrydag, 7 Januarie 2011
Aandele verhandel ex dividend	Maandag, 10 Januarie 2011
Rekorddatum	Vrydag, 14 Januarie 2011
Betaaldatum	Maandag, 17 Januarie 2011

Aandeelsertifikate mag nie vanaf Maandag, 10 Januarie 2011 tot Vrydag, 14 Januarie 2011, albei dae ingesluit, gedematerialiseer of hermaterialiseer word nie.

Geteken namens die raad van direkteure.

Johann Rupert
Voorsitter

Thys Visser
Hoofuitvoerende beampte

Stellenbosch
25 November 2010

BYLAAG A SAMESTELLING VAN WESENSVERDIENSTE

	Ses maande geëindig 30 September		Jaar geëindig 31 Maart
	2010 R'm	2009 R'm	2010 R'm
Finansiële dienste			
RMBH	475	296	720
FirstRand	455	221	635
Nywerheidsbelange			
Medi-Clinic Korporasie	170	152	460
Unilever SA Holdings	132	120	279
Distell Groep ¹	105	95	281
Rainbow Chicken	119	125	259
Tsb Sugar	177	153	227
Air Products South Africa	69	53	115
Nampak	33	13	73
Total South Africa	97	(15)	42
Kagiso Trust Investments	197	57	128
PGSI	(4)	(18)	83
Wispeco	20	24	63
Ander nywerheidsbelange	(5)	(15)	(28)
Mediabelange			
Sabido	54	–	11
MARC	3	–	5
Ander mediabelange	(12)	–	1
Mynbelange			
Implats	72	53	85
Trans Hex Groep	–	3	11
Tegnologiebelange			
CIV groep ²	39	–	7
SEACOM	(20)	–	–
Tracker	34	–	–
Ander tegnologiebelange	6	–	6
Ander beleggings	12	(31)	(64)
Sentrale tesourie	29	34	57
Ander netto korporatiewe koste	(50)	(22)	(101)
Wesensverdienste	2 207	1 298	3 355
Gewegde aantal aandele (miljoen)	513.0	471.4	486.2
Wesensverdienste per aandeel (sent)	430.2	275.3	690.1

Aantekeninge

- Sluit beleggings in Capevin Investments Beperk en Capevin Holdings Beperk in.
- Sluit die beleggings van CIV Fibre Network Solutions (Edms) Beperk, CIE Telecommunications Beperk, CIV Power Beperk, Central Lake Trading No. 77 (Edms) Beperk en Dark Fibre Africa (Edms) Beperk in.

BYLAAG B SAMESTELLING VAN INTRINSIEKE NETTO BATEWAARDE

	30 September 2010		31 Maart 2010	
	Boekwaarde R'm	Intrinsieke waarde R'm	Boekwaarde R'm	Intrinsieke waarde R'm
Finansiële dienste				
RMBH	6 769	11 472	6 400	9 785
FirstRand	6 346	10 325	6 026	9 719
Nywerheidsbelange				
Medi-Clinic Korporasie	3 593	7 513	3 111	6 948
Unilever SA Holdings	3 164	4 711	3 109	4 346
Distell Groep ¹	1 842	4 552	1 798	4 430
Rainbow Chicken	1 979	3 433	1 956	3 412
Tsb Sugar	1 557	2 677	1 376	2 506
Air Products South Africa	525	1 948	536	1 752
Nampak	–	–	1 205	1 398
Total South Africa	727	1 280	631	1 080
Kagiso Trust Investments	1 328	1 350	1 213	1 269
PGSI	538	569	533	528
Wispeco	377	379	358	381
Ander nywerheidsbelange	404	452	328	351
Mediabelange				
Sabido	889	1 489	837	1 215
MARC	188	206	187	211
Ander media-belange	57	32	50	71
Mynbelange				
Implats	4 804	4 804	5 711	5 711
Trans Hex Groep	–	–	65	106
Tegnologiebelange				
CIV groep ²	513	770	378	539
SEACOM	726	1 068	721	1 120
Tracker	610	992	574	911
Ander tegnologiebelange	375	378	385	479
Ander beleggings	787	495	573	399
Sentrale tesourie – kontant by die kern³	5 082	5 082	4 662	4 662
Ander netto korporatiewe bates	433	613	581	796
Netto batewaarde (NBW)	43 613	66 590	43 304	64 125
Potensiese KWB-aanspreeklikheid⁴		(1 938)		(1 703)
NBW na belasting	43 613	64 652	43 304	62 422
Uitgereikte aandele na aftrekking van aandele terugkoop (miljoen)	513.3	513.3	513.2	513.2
NBW na belasting per aandeel (Rand)	84.97	125.95	84.38	121.64

Aantekeninge:

- Sluit beleggings in Capevin Investments Beperk en Capevin Holdings Beperk in.
- Sluit die beleggings van CIV Fibre Network Solutions (Edms) Beperk, CIE Telecommunications Beperk, CIV Power Beperk, Central Lake Trading No. 77 (Edms) Beperk en Dark Fibre Africa (Edms) Beperk in.
- Kontant by die kern sluit uit kontant gehou deur filiale wat afsonderlik hierbo gewaardeer is.
- Die potensiese kapitaalwinstbelasting (KWB)-aanspreeklikheid, wat ongeouditeer is, is bereken op die spesifieke-identifikasietegniek deur gebruik te maak van die voordeligste berekening vir beleggings wat voor 1 Oktober 2001 verkry is en die korporatiewe vrystellingsbepalings word ook in ag geneem. Uitgestelde KWB op beleggings beskikbaar vir verkoop (hoofsaaklik Implats en Caxton) is onder "ander netto korporatiewe bates" hierbo ingesluit.
- Vir doeleindes van berekening van die intrinsieke waarde, word ongenoteerde beleggings teen direkteurswaardasies aangetoon en genoteerde beleggings teen beurspryse.

DIREKSIE

Nie-uitvoerende direkteure Johann Rupert (Voorsitter), E de la Hertzog (Ondervoorsitter), P E Beyers, G T Ferreira*, P K Harris*, N P Mageza*, J Malherbe, P J Moleketi*, M M Morobe*, M A Ramphele*, F Robertson*, H Wessels* (* Onafhanklik)

Uitvoerende direkteure M H Visser (Hoofuitvoerende beampte), W E Bührmann, L Crouse, J W Dreyer, J J Durand, J A Preller, T van Wyk

MAATSKAPPI-INGLIGTING

Sekretaris M Lubbe

Notering JSE Beperk
Sektor: Nywerhede – Algemene Nywerhede

Sake-adres en geregistreerde kantoor Carpe Diem Kantoorgebou, Quantumstraat, Tegnopark, Stellenbosch 7600 (Posbus 456, Stellenbosch 7599)

Oordragssekretaris Computershare Investor Services (Edms) Beperk, Marshallstraat 70, Johannesburg 2001 (Posbus 61051, Marshalltown 2107)

Ouditoure PricewaterhouseCoopers Ing., Stellenbosch

Borg Rand Aksepbank (n Afdeling van FirstRand Bank Beperk)

Remgro
Beperk

www.remgro.com